

120 - 130
DECLARATION
de la Lieutenance générale,
& du pouuoir donné
par le Roy à Monseigneur
le Duc de Guise, pour la
conduicte de son armée.



A PARIS,

Chez NICOLAS ALEXANDRE,
rue des Mathurins.

M. DC. XVI.

Avec permission.



DECLARATION DE LA

*Lieutenance generale, & du pouuoir donné
de par le Roy à Monseigneur le Duc
de Guise, sur toutes ses armées, &
Royaume de France.*



NOUS PAR LA GRACE
DE DIEU ROY DE
FRANCE ET DE NA-
VARRE, A tous ceux
qui ces presentes lettres
verront, Salut. NOUS
auons n'aguères fait leuer & mettre sur vn
bon nombre de gens de guerre, tant de
cheual, que de pied, desquels nous auons
composé l'armée qui a esté iusques icy
commandée & exploitée à l'encontre de
nos ennemis, par nostre cher cousin le sieur
de Bois-dauphin, Marechal de Frâce, nôtre
Lieutenant general en icelle, qui s'est ac-
quitté de ceste charge â nostre entiere satis-
faction & contentement : Mais voyans

nosdits ennemis maintenant aduanceez en
 nostre pays de bas Poictou, & nous retour-
 nant encore en ces Prouinces avec les for-
 ces que nous y auons amenée, & plusieurs
 autres que nous y auons fait leuer, lesquelles
 sont à present en estat d'estre vtilement
 employées au bié de nos affaires, & aduan-
 tage de nostre seruice. Nous auons aduisé
 & resolu de joindre ensemble toutes les-
 dites forces, tant de ladite armée conduicte
 par ledit Marechal de Bois-dauphin, que
 partie des autres qui sont en celsdites Pro-
 uinces, & prés de nous, pour en faire vne
 puissante armée, que nous commanderons
 en personne, avec laquelle nostre intention
 est d'aller attaquer nosdits enuemis, & les
 contraindre par la Iustice & grandeur de
 nos armes, à la recognoissance de leur de-
 uoir, & de nostre auctorité, contre laquelle
 ils se sont souleuez. Mais d'autant que la
 conduicte de ladicte armée estant ainsi
 rassemblée, sera de telle consideration, que
 nous auons besoin d'y estre assiste & seruy
 de quelque grand & notable personnage,
 qui en nostre absence & presence mesme

ayt l'œil à tout ce qui fera necessaire, pour la faire valoir & exploiter, avec la dignité conuenable à la reputation de nos armes, & au bien de nostre seruice, & qui nous soulage en ce faisant de grand soin & labeur qu'il y faut employer, scachant qu'à vne si importante occasion, & pour l'effect que nous nous en promettons, nous ne pourrions faire meilleure eslection que de la personne de nostre tres cher Cousin le Duc de Guise, Gouverneur & nostre Lieutenant general en Prouence, pour les grâds & signalez tesmoignages qu'il nous a rendus de son affection & fidelité. Iceluy pour ces causes auons par ces presentes signées de nostre main, fait, estably & ordonné, faisons, establissons & ordonnons nostre Lieutenant general en nostredite armée, & ladite charge luy auons donné & octroyé, donnos & octroyons, avec tout pouuoir, commandement & autorité tant en nôtre presence, qu'en nostre absence, sur tous & chacuns les gens de guerre, François & estrangers, soit de cheual ou de pied, dont ladite armée sera composée, pour iceux

employer & exploiter ensemblément ou
separément, tant pour la conseruation de
nos villes & places, que pour endominager
nosdits ennemis, & autres rebelles à nostre
autorité, faire viure en bon ordre & po-
lice lesdits gens de guerre, en faire faire les
monstres & reueuës par les Commissaires
ordinaires de nos guerres, Iniuant les estats
qui en seront par nous expediez, & en leur
absence y en commettre d'extraordinaires,
commander pour l'effect de nos intentions
aux Capitaines & chefs de compagnies de
gens d'armes, cheuaux legers, carrabins,
gens de pied, François & Suisses, & aux
Officiers de nos viures, de l'artillerie, & au-
tres de ladite armée, tout ce qu'ils auront
à faire pour nostre seruice; & avec les forces
de ladite armee, assieger & faire battre vil-
les & chasteaux, y dōner assault, & les pren-
dre à composition, liurer bataille, rencōtre,
escarmouches, & faire tous autres actes &
exploits de guerre que besoin sera, faire pu-
nir & chastier les transgresseurs de nos or-
donnances par la rigueur d'icelle, ordōner
du payement desdits gens de guerre, & des

despences de ladite armée, des deniers qui
seront mis es mains des Tresoriers generaux
de l'extraordinaire de nos guerres, cauallerie
& artillerie, suiuant nosdits estats, & en
expedier toutes ordonnances requises, les-
quelles nous auons dés à present, comme
dessors, validées & auctorisées, validons &
auctorisons, & generalement faire par
nostredit Cousin en ladite charge de nôtre
Lieutenant general en ladite armée, cir-
constances & deppendances d'icelles, tant
en nostre presence, qu'en nostre absence,
tout ce que nous-mesmes ferions, & faire
pourions, si tousiours present en personne
y estions; jaçoit que le cas requis mande-
ment plus special qu'il n'est porté par ces-
dites presentes. Si donnons en mandemēt
à tous Colonels, Mareschaux, & Maistres
de camp, grand Maistre & Lieutenant de
nostre artillerie, Chefs & Conducteurs de
nos gens de guerre, tant de cheual, que de
pied, Gouverneurs de nos villes & places,
& autres nos Officiers & subjects qu'il ap-
partiendra, que pour l'effect de ce que dessus,
ils ayent à recognoistre nostredit Cousin

le Duc de Guise comme nostre personne
propre & luy obeyr sans difficulté: Car tel
est nostre plaisir. En tésmoyn dequoy nous
auons fait mettre nostre scel à celsdites pre-
sentes. Donnée à Bordeaux le 27. iour de
Nouembre 1615. & de nostre regne le 6.

Signé

LOVYS.

Et sur le reply, par le Roy, BRVSLARD,
& scellé sur doublé queue du grand sceau,
en cire jaune.